

四庫全書

史部

欽定四庫全書

史記卷二

漢 太 史 令司馬遷 撰

宋中郎外兵曹參軍裴駟集解

唐國子博士弘文館學士司馬貞索隱

唐諸王侍讀率府長史張守節正義

夏本紀第二

夏禹

集解駟案諡法曰受禪成功曰禹正義夏者帝禹封國號也帝王紀云禹受封為夏伯在豫州外方

之南今河南陽翟是也

名曰文命

索隱尚書云文命數于四海孔安國云外布文德教命不云是

禹名太史公皆以放勳重華文命為名孔又云虞氏舜名則堯舜禹湯皆名矣蓋古質帝王之號皆以名後代因其行追而為謚其實禹是名故張晏云少昊已前天

下之號象其德顓頊已來天下之號因其名又按系本

餘取有莘氏女謂之女志是生高密宋忠云高密禹所封國正義帝王紀云父餘妻脩已見流星貫昴夢接意

感又吞神珠薏苡胃圻而生禹名文命字高密身九尺二

寸長本西夷人也大戴禮云高陽之孫餘之子曰文命揚雄蜀王本紀云禹本汶山郡廣柔縣人也生於石紐

括地志云茂州汶川縣石紐山在縣西七十三里華陽

國志云今夷人共營其地方百里不敢居牧至今猶不敢放六畜按廣柔隋改曰汶川

禹之父曰

鯀鯀之父曰帝顓頊

索隱皇甫謐云鯀帝顓頊之子字熙又連山易云鯀封於崇故國語

謂之崇伯鯀系本亦以鯀為顓頊子漢書律歷志則云
顓頊五代而生鯀按鯀既仕堯與舜代系殊懸舜即顓
頊六代孫則鯀非是顓頊之子蓋班氏之言近得其實
顓頊之父曰昌意昌意之

父曰黃帝禹者黃帝之玄孫而帝顓頊之孫也禹之曾

大父昌意及父鯀皆不得在帝位為人臣當帝堯之時

鴻水滔天

索隱一作洪鴻大也以鳥大曰鴻小曰鴈故近代文字大義者皆作鴻

浩浩懷

山襄陵下民其憂堯求能治水者羣臣四嶽皆曰鯀可

堯曰鯀為人負命毀族不可四嶽曰等之未有賢於鯀

者願帝試之於是堯聽四嶽用鯀治水九年而水不息

功用不成於是帝堯乃求人更得舜舜登用攝行天子

之政巡狩行視鯀之治水無狀

索隱言無功狀

乃殛鯀於羽山

以死

正義殛音紀力反鯀之羽山化為黃熊入于羽淵熊音乃來反下三點為三足也東晉發蒙記云鼈

三足曰熊

天下皆以舜之誅為是於是舜舉鯀子禹而使續

鯀之業堯崩帝舜問四嶽曰有能成美堯之事者使居

官皆曰伯禹為司空可成美堯之功舜曰嗟然命禹女

平水土維是勉之禹拜稽首讓於契后稷皋陶舜曰女

其往視爾事矣禹為人敏給克勤其德不違其仁可親

其言可信聲為律

索隱言為聲音應鍾律

身為度

集解王肅曰以身為法度索隱

按今巫猶稱禹步

稱以出

集解徐廣一作士索隱按大戴禮見作士又一解云上聲與身為律度則

權衡亦出於其身故云稱以出也

壘壘穆穆為綱為紀禹乃遂與益后

稷奉帝命命諸侯百姓興人徒以傳土行山表木

集解駢案

尚書傳字作數馬融曰數分也索隱大戴禮作傳土故此紀依之傳即付也謂付功屬役之事謂今人分布理

九州之土地也表木謂刊木立為表記尚書作隨山刊木

定高山大川

集解馬融曰定其差秩祀

禮所視也駢案尚書大傳曰高山大川五嶽四瀆之屬

禹傷先人父鯀功之不成

受誅乃勞身焦思居外十三年過家門不敢入薄衣食

致孝于鬼神

集解馬融曰祭祀豐潔

卑宮室致費於溝洫

集解包氏曰方

里為井井間有溝溝廣深四尺十里為成成間有洫洫廣深八尺

陸行乘車水行乘船

泥行乘橈

集解徐廣曰他書或作橈音茅橈之絕謂以如箕撻行泥上如淳曰橈音茅橈之絕謂以

板置其泥上以通行路也正義按撻形如船而短小兩頭微起人曲一脚泥上撻進用拾泥上之物今杭州溫

州海邊有之也

山行乘橈

集解徐廣曰橈一作橋音丘遙反駟案如淳曰橈車謂以鐵如錐頭長半

寸施之履下以上山不蹉跌也又音紀錄反正義按上山前齒短後齒長下山前齒長後齒短也橈音與上同

也左準繩右規矩

集解王肅曰左右言常用也索隱左所運用堪為人

應規矩也載四時集解王肅曰所以行

以開九州通九道陂

九澤度九山令盆子衆庶稻可種卑濕命后稷子衆庶
難得之食食少調有餘相給以均諸侯禹乃行相地宜

所有以貢及山川之便利禹行自冀州始冀州既載

正義

按理水及貢賦從帝都為始也黃河自勝州東直南至華陰即東至懷州南又東北至平州碣石山入海也東河之西南河之東南
壺口治梁及岐

集解孔安國曰冀州堯所都也先施

貢賦役載於書也鄭玄曰兩河間曰冀州地理志壺口在河東北屈梁山在左馮翊夏陽岐山在右扶風美陽正義括地志云壺口山在慈州吉昌縣西南五十里冀州境也梁山在同州韓城縣東南十九里岐山岐州岐山縣東北十里二山雍州境也孔安國曰從東循山理水而西也
既脩太原至于嶽陽

集解孔安國曰太原今為郡名太嶽在太原西南山南曰陽索隱嶽太嶽即冀州之鎮霍太山也按地理志霍

太山在河東羣縣東凡如此類不引書者皆地理志文正義括地志云霍山在沁州沁原縣西七十八里

懷致功

集解孔安國曰軍懷近河地名鄭玄曰懷縣屬河內索隱按河內有懷縣今驗地無名軍者蓋

單懷二字或當時共為一地之名

至於衡漳

集解孔安國曰漳水橫流索隱案孔註以衡為橫非

王肅云衡漳二水名地理志清漳水出上黨沾縣東北至阜城縣入河濁漳水出上黨長子縣東至鄴入清漳

也正義括地志云故懷城在懷州武陟縣西十一里衡漳水在瀛州東北百二十五里平舒縣界也

白壤

集解孔安國曰壤土無塊曰壤

賦上上錯

集解孔安國曰上上第一錯雜也雜出第二之

賦

田中中

集解孔安國曰九州之中為第五

常衛既從大陸既為集解鄭玄

曰地理志恒水出恒山衛水在靈壽大陸澤在鉅鹿索隱此文改恒山恒水皆作常避漢文帝諱故也常水出

常山上曲陽縣東入漣水衛

鳥夷皮服

集解鄭玄曰鳥夷東北之民搏

食鳥獸者孔安國曰服其皮明水害除正義括地志云靺鞨國古肅慎也在京東北萬里已下東及北各抵大

海其國南有白山鳥獸草木皆白其人處山林間土氣極寒常為穴居以深為貴至接九梯養豕食肉衣其皮

冬以猪膏塗身厚數分以禦風寒貴臭穢不潔作廁於中園之而居多勇力善射弓長四尺如弩矢用楛長一

尺八寸青石為鏃葬則交木作柳殺猪積擲上富者至數百貧者數十以為死人之糧以土上覆之以繩繫於

柳頭出土上以酒灌酹繩

夾右碣石

集解孔安國曰入碣石海畔山也

于海

集解徐廣曰海一作河索隱地理志云碣石山在北平驪城縣西南太康地理志云樂浪遂城縣有

碣石山長城所起又水經云在遼西臨渝縣南水中蓋
碣石山有二此云夾右碣石入於海當非北平之碣石

濟河維沅州

集解鄭玄二言沅州之界在此兩水之間

九河既道

集解馬融曰九河名

徒駭太史馬頰覆釜胡蘓簡潔鈎盤鬲津

雷夏既澤雍沮會同

集解鄭玄曰雍水沮水相

觸而合入此澤中地理志曰雷澤在濟陰城陽縣西北索隱爾雅云水自河出為雍也正義括地志云雷夏澤

在濮州雷澤縣郭外西北雍沮二水在雷澤西北平地也

桑土既蠶於是民得下丘

居土

集解孔安國曰大水去民下丘居平土就桑蠶

其土黑墳

集解孔安國曰色黑而墳起

草繇木條

集解孔安國曰繇茂條長也

田中下

集解孔安國曰第六

賦貞作十

有三年乃同

集解鄭玄曰貞正也治此州正作不休十年乃有賦與八州同言功難也其賦下

下其貢漆絲其筐織文

集解孔安圖曰地宜漆林又宜桑筐織文錦綺之屬漆之筐織

而貢

浮於濟漯通於河

集解鄭玄曰地理志云漯水出東郡東武陽索隱濟水出河東

垣縣王屋山東其流至濟陰故應劭云濟水出平原漯陰縣東漯水出東郡東武陽縣北至千乘縣而入于海

海岱維青州

集解鄭玄曰東自海西至岱東嶽曰岱山正義按舜分青州為營州遼西及遼東

岬夷既略

集解馬融曰岬夷地名用功少曰畧索隱孔安國曰東表之地稱岬夷按今文尚書及帝

命驗並作禺鍊在遼西鍊古夷字也

濰淄既道

集解鄭玄曰地理志濰水出瑯邪淄水出泰山萊蕪

縣原山正義括地志云密州莒縣山濰水所出淄州淄川縣東北七十里原山淄水所出俗傳云禹理水功畢土石黑數里之中波

其土白墳海濱廣濶

集解徐廣曰一作澤又作

斤厥田斤鹵

集解鄭玄曰斤謂地鹵鹵索隱鹵音魯說文云鹵鹵地東方謂之斤西方謂之鹵

田上下賦中上

集解孔安國曰田第三賦第四

厥貢鹽絺海物維錯

集解

孔安國曰絺細葛錯雜非一種鄭玄曰海物海魚也魚種類尤雜

岱畎絲枲松怪石

集解孔安國曰畎谷也怪異好石似王者岱山之谷出此五物皆貢之

萊夷為牧

集解孔安國曰

萊夷地名可以牧放索隱按左傳云萊人劫孔子孔子稱夷不亂華又云齊侯伐萊服虔以為東萊黃縣是今

按地理志黃縣有萊山恐即此地之夷

其篚禽絲

集解孔安國曰禽桑蠶絲中為琴瑟弦索隱爾

雅云靡山桑是蠶食靡之絲也

浮於汶通於濟

集解鄭玄曰地理志汶水出泰山萊蕪縣原山

西南入濟海岱及淮維徐州

集解孔安國曰東至淮沂其治

蒙羽其藝

集解鄭玄曰地理志沂水出泰山蓋縣蒙羽二山名孔安國曰二水已治二山可以種藝

青縣水經云淮水出南陽平北縣胎簪山北過桐柏山沂水出泰山蓋縣艾山南過下邳縣入泗蒙山在泰山

蒙陰縣西羽山在東海視其縣南臨鯨之地

大野既都

集解鄭玄曰大野在山陽鉅野北名鉅野

澤孔安國曰水所停曰都

東原底平

集解鄭玄曰東原底平郡即東原索隱張華博物志云

兗州東平郡即尚書之東原也正義廣平曰原徐州在東故曰東原水去已致平復言可耕種也

其土

赤埴墳

集解徐廣曰埴粘土也

草木漸包

集解孔安國曰漸長進包叢生也

其田

上中賦中中

集解孔安國曰田第二賦第五

貢維土五色

集解鄭玄曰土五色者所

以為太社之封正義韓詩外傳云天子社廣五丈東方青南方赤西方白北方黑上甯以黃土將封諸侯各取

方土苴以白茅以為社也太康地記云城陽姑幕有五
色土封諸侯錫之茅土用為社此土即禹貢徐州土也

今屬密州莒縣

羽畎夏翟

集解孔安國曰雉也羽中旌旄羽山之谷有之
嶧陽孤

桐

集解孔安國曰嶧山之陽特生桐中琴瑟鄭玄曰地
理志嶧山在下邳正義括地志云嶧山在兗州鄒縣

南二十二里鄒山記云鄒山古之嶧山言絡繹相連
屬也今猶多桐樹按今獨生桐尚微一偏似琴瑟
泗

濱浮磬

集解孔安國曰泗水出濟陰乘氏也正義括地志云泗水
玄曰泗水出濟陰乘氏也正義括地志云泗水

至彭城呂梁出石磬

淮夷蠙珠臯魚

集解孔安國曰淮夷二水出
蠙珠及美魚鄭玄曰淮夷淮

水之上民也索隱按尚書云徂茲淮夷徐戎並與今徐
州言淮夷則鄭解為得蠙一作玼並步玄反臯古暨字

臯與也言夷人所居淮水之處有
此蠙珠與魚也又作濱濱畔也

其篚玄纈縞

集解鄭
玄曰纈

細也祭服之材尚細正義玄黑浮于淮泗通于河正義

織細縞白縵以細縵染為黑色淮海維揚州集解孔安

志云泗水源在兗州泗水縣東淮海維揚州集解孔安

陪尾山其源有四道因以為名淮海維揚州集解孔安

淮南彭蠡既都陽鳥所居集解鄭玄曰地理志彭蠡澤

距海陽之鳥鴻鴈之屬冬月居此澤也索隱都古文尚書作

陽之鳥鴻鴈之屬冬月居此澤也索隱都古文尚書作

豬孔安國云水所傳曰豬鄭玄云南方謂都為豬則是

水聚會之義正義蠡音禮括地志云彭三江既入索隱

蠡湖在江州潯陽縣東南五十二里

史記

八

云三江謂松江錢塘江浦陽江按地理志有南江中江

北江是為三江其南江從會稽吳縣南東入海中江從

丹陽蕪湖東北至會稽陽羨縣東入海北江從會稽毗

陵縣北東入海故下文東為中江又東為北江孔安國

云有北有中

南可知也

震澤致定

集解孔安國曰震澤吳南太湖

名言三江已入致定為震澤索

定曰事入書

隱震一作振地理志云會稽吳縣故周太伯所封國具區在其西古文以為震澤又左傳稱笠澤亦謂此也正義澤在蕪州西四十五里三江者在蕪州東南三十里名三江口一江西南上七十里至太湖名曰松江古笠澤江一江東南上七十里曰蜺湖名曰上江亦曰東江一江東北下三百餘里入海名曰下江亦曰婁江於其分處號曰三江口顧夷吳地記云松江東北行七十里得三江口東北入海為婁江東南入海為東江并松江為三江是也言理三江入海非入震澤也按太湖西南湖州諸溪從天目山下西北宣州諸山有溪並下太湖太湖東北流各至三江口入海其湖無通彭蠡湖及太湖處並阻山陸諸儒及地志等解三江既入皆非也周禮職方氏云揚州藪曰具區川曰三江按五湖三江者韋昭注非也其源俱不通太湖引解三江既入失之遠矣五湖者菱湖游湖莫湖貢湖胥湖皆太湖東岸五灣為五湖蓋古時應別今並相連菱湖在莫釐山東周迴

三十餘里西口濶二里其口南則莫釐山北則徐侯山
西與莫湖連莫湖在莫釐山西及北北與胥湖連胥湖
在胥山西南與莫湖連各周迴五六十里西連太湖游
湖在北二十里在長山東湖西口濶二里其口東南岸
樹里山西北岸長山湖周迴五六十里貢湖在長山西
其口濶四五里口東南長山山南即山陽村西北連常
州無錫縣老岸湖周迴一百九十里已上湖身向東北
長七十餘里兩湖西亦連太湖河渠書云於吳則通渠
三江五湖貨殖傳云夫吳有三江五湖之利
又太史公自叙傳云登姑蕪望五湖是也
竹箭既布
集解孔安國曰少其

集解孔安國曰云水去布生

其草惟夭其木惟喬

集解孔安國曰少其

土塗泥

集解馬融曰漸洳也

田下下賦下上上雜

集解孔安國曰田第九賦第七

雜出
貢金三品

集解孔安國曰金銀銅鄭玄曰金三色也

瑤琨竹箭

集解孔安國曰

瑤琨皆美玉也

齒草羽毛

集解孔安國曰象牙犀皮鳥羽旄牛尾也正義周禮考工記云犀甲七屬

兕甲六屬郭云犀似水牛猪頭大腹庠脚橢角好食棘也亦有一角者按西南夷常貢旄牛尾為旌旗之飾書

詩通謂之旄旄故尚書云右秉白旄詩云建旄設旄皆此牛也

島夷卉服

集解孔安國曰南海島夷

草服葛越正義括地志云百濟國西南渤海中有大島十五所皆邑落有人居屬百濟又倭國武皇后改曰日

本國在百濟南隔海依島而居凡百餘小國此皆揚州之東島夷也按東南之夷草服葛越焦竹之屬越即苧

也**其篚織貝**

集解孔安國曰織細紵也貝水物也鄭玄曰貝錦名也詩云成是貝錦凡織者先染

其絲織之即成矣

其色橘柚錫貢

集解孔安國曰小曰橘大曰柚錫命乃貢言不常也鄭玄

曰有錫則貢之或時乏則不貢錫所以柔金也

均江海通淮泗

集解鄭玄曰均讀曰浴浴順水

行荆及衡陽維荊州集解孔安國曰北據荆山南及衡山之陽江漢朝宗于

海

集解孔安國曰二水經此州而入海有似於劍百川以海為宗宗尊也正義括地志云江水源出岷州南

岷山南流至益州即東南流入蜀至瀘州東源經三峽過荊州與漢水合孫卿子云江水其源可以照龜也又

云漢水源出梁州金牛縣東二十八里嵯冢山九江甚中集解孔安國曰江於此州界分為九道甚

得地勢之中鄭玄曰地理志九江在尋陽南皆東合為大江索隱按尋陽記九江者烏江蚌江烏白江嘉廬江

源江吹江廩江提江筍江又張漬九江圍所沱淦已道載有三里五畝烏土白蚌九江之名不同

集解孔安國曰沱江別名淦水名鄭玄曰水出江為沱漢為淦索隱淦亦作潛沱由蜀郡郫縣西東入江潛出

漢中安陽縣西北入漢故爾雅云水自江出為沱漢出為潛正義括地志云繁江水受郫江禹貢曰岷山導江

東別為沱源出益州新繁縣潛水一名復水今名雲土
龍門水源出利州綿谷縣東龍門山大石穴下也

夢為治

集解孔安國曰雲夢之澤在江南其中有平土
丘水去可為耕作畎畝之治索隱夢一作薈鄒

誕生又音蒙按雲土夢本二澤名蓋人以二澤相近或
合稱雲夢耳知者據左傳云昭王寢于雲中又楚子鄭
伯田于江南之夢則是二澤各別也韋昭曰雲土今為
縣屬江夏南郡華容今按地理志云江夏有雲杜縣是

其土塗泥田下中賦上下

集解孔安國曰田第八賦第三

貢羽旄齒草

金三品杔榦栝栢

集解鄭玄曰四木名孔安國曰榦栝也栢葉松身曰栝

礪砥砮

丹

集解孔安國曰礪細於礪皆磨石也砮石中矢鏃丹朱類也

維箇簞栝

集解徐廣曰一作箭

足扞扞即栝也音怙箭足者矢鏃也或以箭
足訓釋箇簞乎駟案鄭玄曰箇簞聆風也

三國致貢

其名

集解馬融曰言筍簾括三國所致貢其名善也

包匭菁茅

集解鄭玄曰匭纏結也菁茅茅

有毛刺者給宗廟縮酒重之故包裏又纏結也正義括地志云辰州盧溪縣西南三百五十里有包茅山武陽

記云山際出包茅有刺而三脊因名包茅山

其筐玄纁璣組

集解孔安國曰此州染玄纁色

善故貢之璣珠類也於水中組綬類也

九江入賜大龜

集解孔安國曰尺二寸曰大龜出於

九江山中龜不常用賜命而納之

浮於江沱淦於漢踰于雒至於南河

荆河惟豫州

集解孔安國曰西南至荆山北距河水正義括地志云荆山在襄州荆山縣西八十

里韓子云卞和得玉璞於楚之荆山即此也河洛州北河也

伊雒瀍澗既入於河

集解

孔安國曰伊出陸渾山洛出上洛山澗出澠池山瀍出河南北山四水合流而入河索隱伊水出弘農盧氏縣

東洛水出弘農上洛縣冢嶺山澗水出河南穀成縣暨
亭北澗水出弘農新安縣東皆入于河正義括地志云
伊水出虢州盧氏縣東巒山東北流入洛洛水出商州
洛南縣冢嶺山東流經洛州郭內又各合伊水澗水出
洛州新安縣東南流至洛州郭內南入洛澗水源出洛
州新安縣東白石山東北與穀水合流經洛州郭內東
流入也

榮播既都

集解孔安國曰榮澤名波水已成澗都
索隱古文尚書作榮波此及今文並云

榮播播是水播澗之義榮是澤名故左傳云狄及衛戰
於榮澤鄭玄云今塞為平地榮陽人猶謂其處為榮播

道荷澤被明都

集解孔安國曰荷澤在胡陵明都澤名
在河東北水流沃覆被之索隱荷澤在

濟陰定陶縣東明都音孟豬孟豬澤在梁國睢陽縣東
北爾雅左傳謂之諸今文亦為然唯周禮稱望諸皆此
地之一名正義括地志云荷澤在曹州濟陰縣
東北九十里定陶城東今名龍池亦名九鄉陂其土壤

下土墳壚

集解孔安國曰壚疏也馬融曰豫州地有三等下者墳壚也

田中上賦雜

上中

集解孔安國曰田第四賦第二又雜出第一

貢漆絲紵紵其筐纖絮

集解

孔安國曰細綿也

錫貢磬錯

集解孔安國曰治玉石曰錯治磬錯也

浮於維達於

河華陽黑水惟梁州

集解孔安國曰東據華山之南西距黑水正義括地志云黑水源出

梁州城固縣西北太山

汶嶧既藝

集解鄭玄曰地理志岷山在蜀郡涪氏道嶧冢山在漢陽西索

隱汶一作嶧道西徼江水

所又作岐岐山在隴西西縣漢水所出也正義括地志云岷山在岷州溢樂南一里連綿至蜀二千

里皆名岷山嶧冢山在梁州金牛縣東二十八里涪音

子踐反氏音丁奚反

沱涔既道

集解孔安國曰沱潛發源此州入荊州

蔡蒙旅平

集解

孔安國曰蔡蒙二山名祭山曰旅平言治功畢也鄭玄曰地理志蔡蒙在漢嘉縣索隱此非徐州之蒙在蜀郡

青衣縣青衣後改為漢嘉蔡山不知所在也正義括地志云蒙山在雅州嚴道縣南十里和夷底績

集解馬融曰其土青驪集解孔安國曰色青黑也田下上賦下中三

錯集解孔安國曰田第七賦貢璆鐵銀鏤砮磬集解孔安國曰

璆玉名鄭玄曰黃金之美者熊羆狐狸織皮集解孔安國曰貢四

獸之皮也織西傾因桓是來集解馬融曰治西傾山因皮今蜀也桓水是來言無餘道也鄭

玄曰地理志西傾山在隴西臨洮索隱桓水出蜀郡岐山西南行羌中入海也正義括地志云西傾山今強臺

山在洮州臨洮縣西浮于潛踰于沔集解孔安國曰漢南三百三十六里上水為沔鄭玄曰

或謂漢為汚

入于渭亂于河

集解孔安國曰正絕流曰亂

黑水西河惟雍

州

集解孔安國曰西距黑水東據河龍門之河在冀州西索隱地理志益州滇池有黑水祠鄭玄引地說云

三危山黑水出其南山海經黑水出崑崙墟西北隅也

弱水既西

集解孔安國曰導之西流至於

合黎鄭玄曰衆水皆東北至酒泉會水縣入合黎山腹山海經云弱水出張掖刪丹縣西北至酒泉會水縣入合黎山腹山海

經云弱水出崑崙墟西南隅也

涇屬渭汭

集解孔安國曰屬逮也水北曰汭言治涇水入于渭也鄭

玄曰地理志涇水出安定涇陽索隱渭水出首陽縣鳥鼠同穴山說文云水相入曰汭正義括地志云涇水源

出原州百泉縣西南笄頭山涇谷渭水源出渭原縣西七十六里鳥鼠山今名青雀山渭有三源並出鳥鼠山

東流入河按言理涇水及至渭水又理漆沮亦從渭流復理灃水亦同入渭者也

漆沮既從

正義

拾地志云漆水源出岐州普閭縣東南岐山漆溪東入渭沮水一名川水源出雍州富平縣東入櫟陽縣南漢高帝於櫟陽置萬年縣十三州地理志云萬年縣南有涇渭北有小河即沮水也詩云古公去邠度漆沮即此二
灋水所同
集解灋音豐孔安國曰漆沮之水已從水漆水出右扶風漆縣西沮水地理志無文而水經以沮水出北地直路縣東過馮翊郡祠縣入洛說文亦以漆沮各是一水名孔安國獨以為一又云是洛水灋水出右扶風鄠縣南東北過上林苑正義括地志云雍州鄠縣終南山
荆岐已旅
集解孔安國曰荆在岐東非荆灋水出焉
在雍州富平縣今名掘陵原岐山在岐州岐山縣東北十里尚書正義云洪水時祭祀禮廢已旅祭言理水功畢也按雍州荆山即黃帝及禹鑄鼎地也
襄州荆山縣西荆山即卞和得玉璞者也
終南敦物至

于鳥鼠

集解孔安國曰三山名言相望也鄭玄曰地理志終南敦物皆在右扶風武功也索隱按左傳

中南山杜預以為終南山地理志云太一山古文以為終南山古文以為敦物皆在扶風武功縣東正義括

地志云終南山一名中南山一名太一山一名南山一名摘山一名楚山一名秦山一名周南山一名地肺山

在雍州萬年縣南五十里原隰底績至于都野集解鄭玄曰地理志

屠澤正義原隰幽州地也按原高平地也隰低下地也言從渭州致功西北至涼州都野沙州三危山也括地

志云都野澤在涼州姑臧縣東北二百八十里三危既度地說云三危山在鳥

鼠西南與岐山相連度劉三苗大序集解孔安國曰西伯莊音田各反尚書作宅

苗之族大有次其土黃壤田上上賦中下集解孔安國序禹之功也

第六人
功少

貢璆琳琅玕

集解孔安國曰璆琳皆玉名琅玕石名而似珠者

浮于積

石至于龍門西河

集解孔安國曰積石山在金城西南河所經也龍門山在河東之西界索

隱積石在金城河關縣西南龍門山在左馮翊夏陽縣西北正義括地志云積石山今名小積山在河州抱罕

縣西七里河州在京西一千四百七十二里龍門山在同州韓城縣北五十里李奇云禹鑿通河水處廣八十

步三秦記云龍門水懸船而行兩旁有山水陸不通龜魚集龍門下數千不得上上則為龍故云暴鰓點額龍

門下按河在冀州西故云西河也禹發源河水小積石山浮河東北下歷靈勝北而南行至於龍門皆雍州地

也

會于渭汭

正義水經云河水又南至潼關渭水從西注之也

織皮昆侖析支

渠搜西戎即序

集解孔安國曰織皮毛布此四國在荒服之外流沙之內羌髳之屬皆就次序

之美禹之功及戎狄也索隱鄭玄以為衣皮之人居昆侖析支渠搜三山皆在西戎王肅曰昆侖在臨羌西析

支在河關西戎西域王肅以為地名而不言渠搜今按地理志金城臨羌縣有昆侖祠敦煌廣至縣有昆侖

障朔方有
渠搜縣道九山
冢內方岐是九山也古分為三條故

地理志有北條之荆山馬融以汧為西北條西傾列嶓冢為南條鄭玄分四列汧為陰列西傾次陰列嶓冢

為陽列岐
山次陽列
汧及岐至于荆山
集解鄭玄曰地理志汧在右扶風也索隱汧一作岍

按有汧水故其字或從山或從水猶岐山然也地理志云吳山在右扶風美陽縣西荆山在左馮翊懷德縣南

也正義括地志云
其山東隣汶岫西
接隴岡在汧水出
焉岐山在岐州踰
于

河壺口雷首

索隱雷首山在河東蒲坂縣東南

至于太獄

集解孔安國
曰三山在冀

州太獄在上黨西也索隱即霍太山也已見上正義括地志云壺口在慈州吉昌縣西南雷首山在蒲州河東

縣太獄霍山也

砥柱析城至于王屋

集解孔安國曰此三山在冀州之南

河之北索隱析城山在河東獲澤縣西南王屋山在河東垣縣東北水經云砥柱山在河東大陽縣南河水中

也正義括地志云底柱山俗名三門山破石縣東北五十里黃河之中孔安國云底柱山名河水分流包山而過

山見水中若柱然也括地志云析城山在澤州西南七十里注水經云析城山甚高峻上平坦有二水東濁西

清左右不生草木括地志云王屋山在懷州王屋縣北十里古今地名云山方七百里山高萬仞本冀州之河

陽山也

太行常山至于碣石入于海

集解孔安國曰此二山連延東北接碣石

而入于滄海索隱太行山在河內山陽縣西北常山恒山是也在常山郡上曲陽縣西北正義括地志云太行

山在懷州河內縣北二十五里有羊腸坡恒山在定州恒陽縣西北百四十里道書福地記云恒山高三千三

百丈上方二十里有太玄之泉神草十九種可度俗西傾朱圉鳥鼠至于太華集

鄭玄曰地理志云朱圉在漢陽南太華山在弘農華陰南孔安國曰鳥鼠山渭水所出在隴西之西索隱圉一

作園朱圉山在天水冀縣南鳥鼠山熊耳外方桐栢至在隴西首陽縣西南太華即敦物山

于負尾

集解鄭玄曰地理志熊耳在盧氏東方在潁川嵩高山桐栢山在南陽平氏東南陪尾在江

夏安陸東北若橫尾者索隱熊耳山在弘農盧氏縣東伊水所出外方山即潁川嵩高山古文尚書亦

以為外方山桐栢山一名大復山在南陽平氏縣東南陪尾山在江夏安陸縣東北地理志謂之橫尾山負音

陪也正義括地志云華山在華州華陰縣界八里熊耳山在虢州盧氏縣南五十里嵩高山亦名太室山亦名

外方山在洛州城陽縣北二十三里也桐栢山在唐州東南五十里淮水出焉橫尾山古陪尾山也在安州安

陸縣北六十里道嶓冢至于荆山集解鄭玄曰地理志荆山在

冢山在梁州荆山在襄州荆山縣西八十里也又云荆山縣本漢臨沮縣地也沮水即漢水也按縣孫叔敖激

沮水為雲夢澤是也內方至于大別集解鄭玄曰地理志內方在

安豐縣索隱內方山在竟陵縣東北大別山在六安國安豐縣今土人謂之甌山正義括地志云章山在荊州

長林縣東北六十里今漢水附章山之東與經史符會按大別山今沙洲在山上漢江經其左今俗猶云甌山

注云在安豐汶山之陽至于衡山索隱在長沙湘南縣

非漢所經也之衡山正義括地志云岷山在茂州汶過九江至于敷

川縣衡山在衡州湘潭縣西四十一里

淺原

集解徐廣曰淺一作減駟孔安國曰數淺原一名博陽山在豫章

道九川

黑河隱弱

江沅渭

弱水至于合黎

集解鄭玄曰地理志弱水出張掖孔安國曰合黎水名在

洛為九川引地說亦以為然孔安國云水名當是其山出弱水故

所記各不同正義括地志云蘭門山一名合黎一名窮

石山在甘州刪丹縣西南七里淮南子云弱水源出窮

石山又云合黎一名羗谷水一名鮮水一名覆表水今

名副投河亦名張掖河南自吐谷渾界流入甘州張掖

縣今按合黎水出臨路松山東而北流歷張掖故城下

又北流經張掖縣二十三里又北流經合黎山折而北

流經流沙磧之西入居延海行千五餘波入于流沙集

孔安國曰弱水餘波西溢入流沙鄭玄曰地理志流沙

史記

十七

波入于流沙通於南海馬融王肅皆云合黎流沙是地名索隱地理志張掖居延縣西北有居延澤古文以為流沙廣志流沙在玉門關外有居延澤居延城又山海經云流沙出鍾山西南行昆侖墟入海按是地兼有水故一云地名一云水名

道黑水至于三危入于南海

集解

鄭玄曰地理志益州滇池有黑水祠而不記此山水所在在地記曰三危山在鳥鼠之西南孔安國曰黑水自北而南經三危過梁州入南海也正義括地志云黑水源出伊吳縣北百二十里又南流二十里而絕三危山在沙州燉煌縣東南四十里按南海即揚州東大海岷江下至揚州東入海也其黑水源在伊州從伊州東南三千餘里至鄯州鄯州東南四百餘里至河州入黃河河州有小積石山即禹貢浮於積石至于龍門者然黃河源從西南下出大崑崙界東北積石山又東北流經于闐入鹽澤即東南潛行入吐谷渾界大積石山又東北流至小積

石山又東北流來處極遠其黑水當洪水時合從黃河而行何得入于南海南海去此甚遠阻隔南山隴山岷山之屬當是洪水浩浩處西戎道河積石索隱爾雅云不深致功古文故有疏畧也

其色白漢書西域傳云河有兩源一出葱嶺一出于闐于闐河北流與葱嶺河合東注蒲昌海一名鹽澤其水停冬夏不增減其南出積石為中國河是至于龍門南河源發崑崙禹導河自積石而加功也

至華陰

集解孔安國曰至華陰山北而東行正義華陰縣在華山北本魏之陰晉縣秦惠文王更名寧

秦漢高帝改曰華陰東至砥柱

集解孔安國曰砥柱山名河水分流包山而過山見水中若柱然也

在西虢之界正義砥柱山俗名三門

又東至于盟津

集

山禹鑿北山三道河水故曰三門也孔安國曰在洛北索隱盟古孟字孟津在河陽十三州記云河陽縣在於河上即孟津是也正義杜預云盟河

內郡河陽縣南孟津也在洛陽城北都道所湊古今為
津武王渡之近代呼為武濟拈地志云盟津周武王伐
紂與八百諸侯會盟津亦曰孟津又曰富
平津水經云小平津今云河陽津是也

東過雒水至

于大邳

集解孔安國曰洛水入河處山再成曰邳索隱爾雅云山一成曰邳或以為成臯山是正義

李巡云山再重曰英一重曰邳拈地志云大邳山今名
黎陽東山又曰青壇山在衛州黎陽南七里張揖云今

成臯北過降水至于大陸

集解鄭玄曰地理志降水在信都南孔安國曰大陸澤名

索隱地理志絳水字從糸出信都國與虜池漳河水並
流入海大陸在鉅鹿郡爾雅云晉有大陸郭璞以為此

澤也正義拈地志云降水源出潞州
屯留縣西南方東北流冀州入海

北播為九河同為

逆河

集解鄭玄曰下尾合名曰逆河言相逆受也

入于海

正義播布也河至冀州分布為九河

下至滄州更同合為一大河名曰
滄河而夾右碣石入于渤海也
嶧冢道瀋東流為漢

牛解鄭玄曰地理志瀋水出瀧西氏道至武都為漢至
江夏謂之夏水索隱水經云瀋水出瀧西氏道嶧冢
山東至武都沮縣為漢水地理志云至江夏謂之夏水
山海經亦以漢出嶧冢山故孔安國云泉始出山為瀋
水東南流為河水至漢中東行為漢水正義括地志云
嶧冢山水始出山沮故曰沮水東南為瀋水又為沔
水至漢中為漢水至均州為滄浪水始欲出
大江為夏口又為沔口漢江一名沔江也
又東為滄

浪之水

集解孔安國曰別流也在荊州索隱馬融鄭玄
皆以滄浪為夏水即漢河之別流也漁父謠曰

滄浪之水清兮可以濯吾纓是此水也正義括地志云
均州武當縣有滄浪水庾仲雍漢水記云武當縣西四
十里漢水中有洲名滄浪洲也地
記云水出荊山東南流為滄浪水
過三澨入于大別集

孔安國曰三澁水名鄭玄曰在江夏竟陵之界索隱水經云三澁地名在南郡即縣北孔安國鄭玄以為水名

今竟陵有三叅水俗云是三澁水叅音去聲南入于江東匯澤為彭蠡集解孔安

國曰匯田也水東東為北江入于海集解孔安國曰自彭蠡江分為三道

入震澤遂為汶山道江東別為沱又東至于醴集解孔安國及

馬融王肅皆以醴為水名鄭玄曰醴陵名也大阜曰陵長沙有醴陵縣索隱按騷人所歌濯余佩於醴浦明醴

是水孔安國馬融解得其實又虞喜志過九江至于東

陵集解孔安國東迤北會于匯集解孔安國曰迤沔也東澁分流都共北會彭

東為中江入于海集解孔安國曰有北有中南可知也正義括地志云禹貢三江俱會

於彭蠡合為道沈水東為濟入于河決為滎

集解鄭玄曰地理志

一江入于海
沈水出河東垣縣王屋山東至河內武德入河決為滎
孔安國曰濟在溫西北滎澤在敖倉東南索隱水經云
自河東垣縣王屋山東流為沈水至溫縣西北為濟水
正義括地志云沈水出懷州王屋縣北十里王屋山頂
巖下石泉亭不流其深不測至縣西北二里平地其源
重發而東南流為沈水水經云沈水東至溫縣西北為沛
水又南當鞏之北南入于河釋名云濟者濟也下濟子
細反按濟水入河而南截度河南岸溢滎澤在鄭州滎
澤縣西北四里
今無水成平地
東出陶丘北
集解孔安國曰陶丘丘再成者也鄭玄曰地理志陶
丘在濟陰定陶西北正義括地志云陶丘在濮州鄆城
西南二十四里又云在曹州城中徐才宗國都城記云
此城中高丘
又東至于荷
集解孔安國曰荷澤之水
又東北會于汶

正義汶音問地理志云汶水出泰山郡萊蕪縣原山西南入濟又北東入于海道淮自

桐栢正義地理志云桐栢山在唐州東南淮水所出按在唐州東五十餘里東會于泗

沂東入于海集解孔安國曰與泗沂二水合入海也道渭自鳥鼠同穴集

孔安國曰鳥鼠共為雌雄同穴處此山遂名曰鳥鼠渭水出焉正義括地志云鳥鼠山今名青雀山在渭州渭

源縣西七十六里山海經云鳥鼠同穴之山渭水出焉郭璞注云今在隴西首陽縣西南山有鳥鼠同穴鳥名

鵠鼠名鼯如人家鼠而短尾鵠似鷄而小黃黑色穴入地三四尺鼠在內鳥在外鵠音余鼯扶廢反鷄音丁刮

反似也東會于澧正義澧音豐括地志云雅州鄆縣終南山澧水出焉北入渭也又東北

至于涇正義括地志云涇水出原州百泉縣西南筭頭山涇谷東南流入渭也東過漆沮

入于河

集解孔安國曰漆沮二水名亦曰洛水出馮翊北

道雒自熊耳

集解孔安國曰

在宜陽之西正義括地志云洛水出商州洛南縣西冢嶺山東北流入河熊耳山在虢州盧氏縣南五十里洛

所東北會于澗瀍

集解孔安國曰會于河南城南正義括地志云澗水出洛州新安縣東北

石山之陰地理志云瀍水出河南穀城縣晉亭北東南入于洛

又東會于伊

集解孔安國曰會於

洛陽之南東北入于河

集解孔安國曰合於鞏之東也

於是九州攸同四奧

既居

集解孔安國曰四方之宅已可居也

九山彙旅

集解孔安國曰九州名山已槎木通道而

旅祭也

九川滌原

集解孔安國曰九州之川已滌除無壅塞也

九澤既陂

集解孔安

國曰九州之澤皆已陂障無決溢也

四海會同六府甚脩

集解孔安國曰六府金木水火

土穀衆土交正致慎財賦

集解鄭玄曰衆土美惡及高下得其正矣亦致其貢謹慎奉其

財物之稅皆法定制而入之也

咸則三壤成賦

集解鄭玄曰三壤上中下各三等也

中國

賜土姓祇台德先不距朕行

集解鄭玄曰中即九州也天子建其國諸侯胙之土

賜之姓命之氏其敬悅天子之德既先又不距違我天子政教所行

令天子之國以外五

百里甸服

集解孔安國曰為天子之服治田去王城面五百里內

百里賦納總

集解

孔安國曰甸內近王城者禾稂曰總餉供國馬也索隱說文云總聚束草也

二百里納銍

集解

孔安國曰所銍刈謂禾穗索隱說文云銍獲禾短鎌也

三百里納秸服

集解孔安國曰秸稂

也服藁從索隱禮郊特牲云蒲越稂秸之美則秸是藁之類也

四百里粟五百里米

集解

孔安國曰所納
精者少麤者多

甸服外五百里侯服

集解孔安國曰侯
侯也斥侯而服事

也

百里采

集解馬融曰采事
也各受王事者

二百里任國

集解孔安國
曰任王事者

三百里諸侯

集解孔安國曰三百里同為
王者斥侯故合三為一名

侯服外五百

里綏服

集解孔安國曰綏
安也服王者政教

三百里揆文教

集解孔安國
曰揆度也度

王者文教而行
之三百里皆同

二百里奮武衛

集解孔安國曰文教外
之二百里奮武衛天子

所以

綏服外五百里要服

集解孔安國曰
要束以文教也

三百里夷

集

孔安國曰守平常
之教事王者而已

二百里蔡

集解馬融曰蔡法也
受王者刑法而已

要服

外五百里荒服

集解馬融曰政教荒
忽因其故俗而治之

三百里蠻

集解馬
融曰蠻

慢也禮簡怠慢
來不距去不禁

二百里流

集解馬融曰流
行無城郭常居

東漸于海西

被于流沙朔南暨

集解鄭玄
曰朔北方

聲教訖于四海於是帝錫

禹玄圭以告成功于天下

正義帝堯也玄圭水色以禹理
水功成故錫玄圭以表顯之

自此以上並
尚書禹貢文

天下於是太平治皋陶作士以理民帝舜

朝禹伯夷皋陶相與語帝前皋陶述其謀曰信其道德

謀明輔和禹曰然如何皋陶曰於

正義音烏
歎美之辭

慎其身脩

正義以
為絕句思長

集解孔安國曰慎脩
其身思為長久之道

敦序九族衆明高翼

近可遠在已

集解鄭玄曰次序九族而親之以衆明
作羽翼之臣此政由近可以及遠也

禹

拜美言曰然臯陶曰於在知人在安民禹曰吁皆若是

惟帝其難之

集解孔安國曰言帝堯亦以為難

知人則智能官人能安

民則惠黎民懷之能知能惠何憂乎驩兜何遷乎有苗

何畏乎巧言善色佞人

集解鄭玄曰禹為父隱故言不及鯀

臯陶曰然於

亦行有九德亦言其有德乃言曰始事事

集解孔安國曰言其人有

德必言其所行

事因事以為驗

寬而栗

集解孔安國曰性寬弘而能莊栗

國曰和柔

愿而共

集解孔安國曰懋愿而恭敬

治而敬擾而毅

集解徐廣

曰擾一作柔駟案孔安國曰擾順也致果為毅

直而溫簡而廉剛而實彊而義

章其有常吉哉

集解孔安國曰章明也吉善也

日宣三德蚤夜翊明有

家

集解孔安國曰三德九德之中有其三也卿大夫稱家明行之可以為卿大夫

日嚴振敬六

德亮采有國

集解孔安國曰嚴敬也行六德以信治政事可為諸侯也馬融曰亮信采事也

翕

受普施九德咸事俊乂在官

集解孔安國曰翕合也能合受三六之德而用之以

布施政教使九德之人皆用事謂天子也如此則俊德理能之士並皆在官也

百吏肅謹毋教

邪淫竒謀非其人居其官是謂亂天事

索隱此取尚書皋陶謨為文斷

絕殊無次序即班固所謂踈畧牴牾是也今亦不能深考

天討有罪五刑五用哉

集解

孔安國曰言用五刑必當

吾言底可行乎禹曰女言致可績行皋陶

曰余未有知思贊道哉

正義臯陶云我未有所知思之審贊於古道耳譙辭也已上並

尚書臯陶謨文畧其經不全備也

帝舜謂禹曰汝亦昌言禹拜曰於予

何言予思曰孳孳臯陶難禹曰何謂孳孳禹曰鴻水滔

天浩浩懷山襄陵下民皆服於水予陸行乘車水行乘

舟泥行乘橈山行乘櫜行山棐木

正義行寒孟反棐口寒反

與益予

衆庶稻鮮食

集解孔安國曰鳥獸新殺曰鮮索隱予音與上與謂同與之與下予謂施予之予此

禹言其與益施予衆庶之稻糧

以決九州致四海浚畎澮

集解鄭玄曰畎澮田間溝

也致之川與稷予衆庶難得之食食少調有餘補不足

徙居衆民乃定萬國為治皋陶曰然此而美也禹曰於

帝慎乃在位安爾止

集解鄭玄曰安汝之所止無妄動動則擾民

輔德天下

大應清意以昭待上帝命天其重命用休

集解鄭玄曰天將重命汝

以美應謂符瑞也

帝曰吁臣哉臣哉臣作朕股肱耳目予欲左

右有民女輔之

集解馬融曰我欲左右助民汝當翼成我也

余欲觀古人之

象日月星辰作文繡服色女明之予欲聞六律五聲八

音來始滑以出入五言女聽

集解駰案尚書滑字作習音忽鄭玄曰習者臣見君

所秉書思對命者也君亦有焉以出納政教於五官索隱古文尚書作在治忽今文作采政忽先儒各隨字解

之今此云來始滑於義無所通蓋來采字相近滑忽聲相亂始又與治相似因誤為來始滑今依今文音采政忽三字劉伯莊云聽諸侯能為政及忽怠者是也五言謂仁義禮智信五德之言鄭玄以為出納政教五官非

也予即辟女匡拂予女無面諛退而謗予敬四輔臣

集解

駟案尚書大傳曰古者天子必有四鄰前曰疑後曰丞左曰輔右曰弼諸衆讒嬖臣君

集解

徐廣曰臣一作吾索隱諸衆讒嬖臣為一句君字宜屬下文德誠施皆清矣禹曰然

帝即不時布同善惡則毋功

集解孔安國曰帝用臣不是則賢愚並位優劣同流

故帝曰

正義此二字及下禹曰尚書並無太史公有四字帝及禹相答極為次序當應別見書

毋

若丹朱傲維慢游是好毋水行舟朋淫于家

集解鄭玄曰朋淫淫

內門用絕其世子不能順是禹曰予辛壬娶塗山癸甲生

啓

集解孔安國曰塗山國名辛日娶妻至於甲四日復往治水索隱杜預云塗山在壽春東北皇甫謐云今

九江當塗有禹廟則塗山在江南也系本曰塗山氏女名女嬀是禹娶塗山氏號女嬀也又按尚書云娶于塗

山辛壬癸甲啓呱呱而泣予弗子今此云辛壬娶塗山癸甲生啓蓋今文尚書脫陋太史公取為言亦不稽其

本意豈有辛壬娶妻經二日生子不經之甚

予不子

正義此三字為一句禹辛日娶至甲四日往理

水及生啓不入門我不得名子以故能成水土之功又一云過門不入不得有子愛之心帝繫云禹娶塗山氏

之子謂之女嬀是生啓也

以故能成水土功輔成五服至于五千里

州十二師外薄四海

集解孔安國曰薄迫言至海也正義爾雅云九夷八狄七戎六蠻謂

之四海釋名云海晦也按夷蠻晦昧無知故云四海也

咸建五長

集解孔安國曰諸侯五國立賢

者一人為方伯謂之五長以相統治

各道有功苗頑不即功

集解孔安國曰三苗頑凶

不得就官善惡分別

帝其念哉帝曰道吾德乃女功序之也皋陶

於是敬禹之德令民皆則禹不如言刑從之

索隱謂不用命之人

則亦以刑罰從之

舜德大明於是夔行樂祖考至羣后相讓鳥

獸翔舞簫韶九成鳳皇來儀

集解孔安國曰簫韶舜樂名備樂九奏而致鳳皇也

百獸率舞百官信諧帝用此作歌曰陟天之命維時維

幾

集解孔安國曰奉正天命以臨民惟在順時惟在慎微

乃歌曰股肱喜哉元首

起哉百工熙哉

集解孔安國曰股肱之臣喜樂盡忠君之治功乃起百官之業乃廣 臯陶

拜手稽首揚言曰念哉

集解鄭玄曰使羣臣念帝之戒

率為興事慎乃

憲敬哉

集解孔安國曰率臣下為起治之事當慎汝法度敬其職

乃更為歌曰元首

明哉股肱良哉庶事康哉又歌曰元首叢脞哉股肱惰

哉萬事墮哉

集解孔安國曰叢脞細碎無大略也君如此則臣懈惰萬事墮廢也

帝拜曰

然往欽哉於是天下皆宗禹之明度數聲樂

集解徐廣曰舜本紀

云禹乃興九韶之樂 為山川神主帝舜薦禹於天為嗣十七年

集解

劉熙曰若此則舜格于文祖三年之後攝禹使得祭祀與

而帝舜崩三年喪畢禹辭

避舜之子商均於陽城

集解劉熙曰今潁川陽城是也

天下諸侯皆去

商均而朝禹禹於是遂即天子位

集解皇甫謐曰都平陽或在安邑或在晉

陽

南面朝天下國號曰夏后姓姁氏

集解駰案禮緯曰祖以吞莖苡生

帝禹立而舉皋陶薦之且授政焉而皋陶卒

正義帝王紀云皋陶

生於曲阜曲阜偃地故帝因之而以賜姓曰偃堯禪舜命之作士舜禪禹禹即位以咎陶最賢薦之於天將有禪之意未及禪會皋陶卒括地志云咎繇墓在壽州安豐縣南一百三十里故六城東東都陵內大冢也

封皋陶之後於英六

集解徐廣曰史記皆作英字而以英布是此苗裔索隱地理志六安

國六縣咎繇後偃姓所封國英地闕不知所在以為黥布是其後也正義英蓋蓼也括地志云光州固始縣本

春秋時蓼國偃姓阜陶之後也左傳云子變滅蓼太康地志云蓼國先在南陽故縣今豫州鄆縣界故胡城是後徙於此括地志云故六城在壽州安豐縣南或在許一百三十二里春秋文五年秋楚成大心滅之或在許

集解駟案皇覽曰阜陶冢在廬江六縣索隱許在潁川正義括地志云許故城在許州許昌縣南三十里本漢

許縣故許國也

而后舉益任之政十年帝禹東巡狩至于會稽

而崩

集解皇甫謐曰年百歲也

以天下授益三年之喪畢益讓帝禹

之子啓而辟居箕山之陽

集解駟案孟子陽字作陰劉熙曰嵩高之北正義按陽即

陽城也括地志云陽城縣在箕山北十三里又恐箕字誤本是嵩字而字相似其陽城縣在嵩山南二十三里則為嵩山禹子啓賢天下屬意焉及禹崩雖授益益之

之陽也

禹子啓賢天下屬意焉及禹崩雖授益益之

佐禹曰淺天下未洽故諸侯皆去益而朝啓曰吾君帝

禹之子也於是啓遂即天子之位是為夏后帝啓夏后

帝啓禹之子其母塗山氏之女也有扈氏不服

索隱地理志曰

扶風鄠縣是扈國也地理志云鄠縣古扈國有戶亭訓纂云戶扈鄠

三字一也古

集解馬融曰甘有扈氏南郊地名索隱夏啓所

今字不同耳

啓伐之大戰於甘

集解馬融曰甘有扈氏南郊地名索隱夏啓所

伐鄠南有甘亭

將戰作甘誓乃召六卿申之

集解孔安國曰天子六軍其將皆命

卿也啓曰嗟六事之人

集解孔安國曰各有軍事故曰六事

予誓告汝有扈

氏威侮五行怠棄三正

集解鄭玄曰五行四時盛德所行之政也威侮暴逆之三正天

地人之正道

天用勦絕其命

集解孔安國曰勦截也

今予維共行天之

罰

集解孔安國曰共奉也

左不攻于左右不攻于右女不共命

集解

鄭玄曰左車左右車右

御非其馬之政女不共命

集解孔安國曰御以正馬為政

也三者有失皆不奉我命也

用命賞于祖

集解孔安國曰天子親征必戴遷廟之祖主行有功

即賞祖主前示不專也

不用命僂于社

集解孔安國曰又戴社主謂之社事奔北則僂之社

主前社主陰陰主殺也

予則帑僂汝

集解孔安國曰非但止身辱及汝子言恥累也

遂滅

有扈氏天下咸朝夏后帝啓崩

集解徐廣曰皇甫謐曰夏啓元年甲辰十年癸

丑子帝太康立帝太康失國

集解孔安國曰盤于遊田不恤民事為羿所逐不得

反國昆弟五人

索隱皇甫謐云號五觀也

須于洛汭作五子之歌

集解孔安

國曰太康五弟與其母待太康于洛水之北怨其不反故作歌

太康崩弟中康立是為

帝中康帝中康時羲和湏淫廢時亂日

集解孔安國曰羲和氏掌天

地四時之官太康之後沈湎于酒廢天時亂甲乙也

胤往征之作胤征

集解孔安國曰胤國

之君受王命往征之鄭玄曰胤臣名

中康崩子帝相立帝相崩子帝少康

立

索隱左傳魏莊子曰昔有夏之衰也后羿自鉏遷于窮石因夏人以代夏政恃其射也不脩人事而信用

伯明氏之讒子寒浞浞殺羿亨之以食其子子不忍食死于窮門浞因羿室生澆及豷使澆滅斟灌氏及斟尋氏而相為澆所滅后緡歸于有仍生少康有夏之臣靡自有鬲收二國之燼以滅促而立少康少康滅澆于過

后杼滅獫狁于戈有窮遂亡然則帝相自被篡弑中間經
羿浞二氏蓋三數十年而此紀總不言之直云帝相崩
子少康立踈畧之甚正義帝王紀云帝羿有窮氏未聞
其姓何先帝嚳以上世掌射正至嚳賜以彤弓素矢封
之於鉏為帝司射歷虞夏羿學射于吉甫其臂長故以
善射聞及夏之衰自鉏遷于窮石因夏民以伐夏篡帝
相徙于商丘依同姓諸侯斟尋羿恃其善射不脩民事
淫于田獸棄其良臣武羅伯熊鬋龍圍而信寒浞寒
浞伯明氏之讒子伯明后以讒棄之而羿以為已相寒
浞殺羿於桃梧而亨之以食其子其子不忍食之死于
窮門促遂代夏立為帝寒浞襲有窮之號因羿之室生
羿及豷羿多力能陸地行舟使羿帥師滅斟灌斟尋殺
夏帝相封羿於過封豷於戈恃其詐力不恤民事初羿
之殺帝相也妃仍氏女曰后緡歸有仍生少康初夏之
貴臣曰靡事羿羿死逃于有禹氏收斟尋二國餘燼殺
寒浞立少康滅羿于過后杼滅豷于戈有窮遂亡也按

帝相被篡歷羿浞二世四十年而此紀不說亦馬遷所為疏畧也
音五告反殪音許器反括地志云故鉏城在滑州衛城縣東十里晉地記云河南有窮谷蓋本有窮氏所遷也
括地志云商丘今宋州也斟灌故城在青州壽光縣東五十四里斟尋故城今青州北海縣是也故過鄉亭在萊州掖縣西北二十里本過國地故禹城在洛州密縣界杜預云國名今平原禹縣也戈在宋鄭之間也
寒國在北海平壽縣東寒亭也伯明其君也臣瓚云斟尋在河南蓋後遷北海也
汲冢古文云太康居斟尋羿亦居之
桀又居之尚書云太康失邦兄弟五人湏于洛汭此即太康居之為近洛也
又吳起對魏武侯曰夏桀之居左河濟右太華伊闕在其南羊腸在其北又周書度邑篇云武王問太公吾將因有夏之居即河南是也
括地志云故鄆城在洛州鞏縣西南五十八里蓋桀所居也
陽翟縣又是禹所封為夏伯

帝少康崩子帝予立

索隱音佇系本云季佇作

甲者也左傳曰杼滅殪于
戈國語云杼能師禹者也
帝子崩子帝槐立

索隱槐音田系本作

帝槐崩子帝芒立

索隱音亡鄒誕生又音荒

帝芒崩子帝泄立帝

泄崩子帝不降立

索隱系本作帝降

帝不降崩弟帝扃立帝扃

崩子帝廛立

索隱音覲鄒誕生又音勤

帝廛崩立帝不降之子孔甲

是為帝孔甲帝孔甲立好方鬼神事淫亂夏后氏德衰

諸侯畔之天降龍二有雌雄孔甲不能食

正義音寺

未得豢

龍氏

集解賈逵曰豢養也穀食曰豢

陶唐既衰其後有劉累

集解服虔曰後劉累

之為諸侯者夏后賜之姓正義括地志云劉累故
城在洛州緱氏縣南五十五里乃劉累之故地也
學擾

龍

集解應劭曰擾音柔擾馴也能順養得其嗜慾

于恭龍氏以事孔甲孔甲賜

之姓曰御龍氏

集解服虔曰御亦養

受豕韋之後

集解徐廣曰受一作史馴案賈

遠曰劉累之後至而不絕以代豕韋之後祝融之後封於豕韋殷武丁滅之以劉累之後代之索隱按系本豕

韋彭

龍一雌死以食夏后夏后使求懼而遷去

集解賈遠曰夏

后既饗而又使求致龍劉累不能得而懼也傳曰遷于魯縣

孔甲崩子帝皐立帝皐

崩

集解駸案左傳曰皐墓在穀南陵

子帝發立帝發崩子帝履癸立是

為桀

索隱桀名也按系本帝皐生發及桀此以發生桀皇甫謐同也

帝桀之時

集解駸案謚法

賊人多殺曰桀

自孔甲以來而諸侯多畔夏桀不務德而武傷

百姓百姓弗堪迺召湯而囚之夏臺

索隱獄名夏曰鈞臺皇甫謐云地在

陽翟是也

已而釋之湯脩德諸侯皆歸湯湯遂率兵以伐夏

桀桀走鳴條

集解孔安國曰地在安邑之西鄭玄曰南夷地名

遂放而死

集解徐廣

曰從禹至桀十七君十四世嗣桀汲冢紀年曰有王與無王用歲四百七十一年矣正義括地志云廬州巢縣有巢湖即尚書成湯伐桀放於南巢者也淮南子云湯敗桀於歷山與妹喜同舟浮江奔南巢之山而死國語云滿於巢湖又云夏桀伐有施施人以妹喜女焉女音女慮反桀謂人曰吾悔不遂殺

湯於夏臺使至此湯乃踐天子位代夏朝天下湯封夏

之後

正義括地志云夏亭故城在汝州郟城縣東北五十四里蓋夏后所封也

至周封於杞

也正義括地志云汴州雍丘縣古杞國城也周武王封禹後號東樓公也

太史公曰禹為姒姓其後分封用國為姓故有夏后氏

有扈氏有男氏斟尋氏彤城氏褒氏費氏

集解徐廣曰一云斟氏尋

氏索隱系本男作南尋作鄆費作弗而不云彤城及褒按周有彤伯蓋彤城氏之後張敖地理記云濟南平壽縣其地即古斟尋國又下云斟

戈氏按左傳系本皆云斟灌氏

杞氏繒氏辛氏冥氏斟

戈氏孔子正夏時學者多傳夏小正云

集解駟案禮運稱孔子曰我欲

觀夏道是故之杞而不足徵也吾得夏時焉鄭玄曰得夏四時之書其存者有小正索隱小正大戴記篇名正

征二音

自虞夏時貢賦備矣或言禹會諸侯江南計功而

崩因葬焉命曰會稽會稽者會計也

集解駢案皇覽曰禹冢在山陰縣會

稽山上會稽山本名苗山在縣南去縣七里越傳曰禹到大越上苗山大會計爵有德封有功因而更名苗山曰會稽因病死葬葦棺穿壙深七尺上無瀉泄下無邸水壙高三尺土階三等周方一畝呂氏春秋曰禹葬會稽不煩人徒墨子曰禹葬會稽衣裘三領桐棺三寸地理志云山上有禹井禹祠相傳以為下有羣鳥耘田者也索隱抵至也音丁禮反葦棺者以葦為棺謂蘧蔭而斂非也禹雖儉約豈萬乘之主而臣子乃以蘧蔭裹尸乎墨子言桐棺三寸差近人情正義括地志云禹陵在越州會稽縣南十三里廟在縣東南十一里

索隱述贊曰堯遭洪水黎人阻饑禹勤溝洫手足胼胝言乘四載動履四時娶妻有日過門不私九土既理玄圭錫茲帝啓嗣立有扈違命五子作歌太康失政羿浞斯侮夏室不競降于孔甲擾龍乖性嗟彼鳴

條其終
不令

史記卷二

史記卷二考證

夏本紀禹之父曰鯀鯀之父曰帝顓頊顓頊之父曰昌
意昌意之父曰黃帝禹者黃帝之玄孫而帝顓頊之
孫也禹之曾大父昌意及父鯀皆不得在帝位為人
臣○史通曰顓頊紀中已具云黃帝是顓頊祖矣此
篇下云禹是顓頊孫則其上不得更言黃帝之玄孫
既上云昌意及鯀不得在帝位則於下文不得復云
為人臣

臣照

按夏本紀禹之父曰鯀鯀之父曰帝顓

項五帝紀
瞽叟父曰橋牛
橋牛父曰句望
句望父曰敬康
敬康父曰窮蟬
窮蟬父曰帝顓頊
是禹為帝顓頊之孫而舜為帝顓頊之六世孫矣
禹為舜之高祖行得相見已屬僮事必年大長於舜矣
乃舜命禹治水時禹方娶塗山之女
復受舜禪十七年而崩於會稽則禹年幼於舜又可知
豈理也哉歐陽脩辭而闢之當矣

壺口治梁及岐正義
岐山岐州岐山縣東北十里○岐

山下脫一在字

常衛既從大陸既為索隱衛水出常山靈壽縣東入滹
沱○以漢書地理志考之宜云東北入滹沱

鳥夷皮服集解鄭元曰鳥夷東北之民○尚書疏引鄭
元云鳥夷東方之民惟王肅以為東北夷

浮於濟漯通於河索隱曰濟水出河東垣縣王屋山東
其流至濟陰故應劭云濟水出平原漯陰縣東漯水
出東郡東武陽縣北至千乘縣而入於海○地理志

平原郡漯陰縣注應劭曰漯水出東武陽東北入海
東郡東武陽縣志云禹治漯水東北至千乘縣入海
注應劭曰武水之陽也索隱誤以地理志本文為應
劭之說

濰淄既道集解地理志濰水出琅邪淄水出泰山萊蕪
縣原山○琅邪下脫箕屋山三字

蒙羽其藝索隱蒙山在泰山蒙陰縣西○以漢書地理
志考之西下脫南字

嶧陽孤桐正義今獨生桐尚徵一偏似琴瑟○推尋文義當作今獨生桐尚徵貢偏宜琴瑟

均江海通淮泗集解鄭元曰均讀曰沿沿順水行也○陸德明尚書釋文引鄭元語沿作松松當為沿馬本作均云均平此云鄭元曰均讀曰沿與陸氏釋文所引不同

下土墳壚集解孔安國曰壚疏也○今孔傳無此文汶嶧既執索隱封禪書一云瀆○封禪書一云瀆山

蔡蒙旅平集解鄭元曰地理志蔡蒙在漢嘉縣○

臣世

駁

按鄭引地理志誤漢蜀郡青衣縣蒙山所在漢嘉之名至順帝始改地理志不得有其名一誤也蔡山既不知所在而與蒙山並云在漢嘉縣二誤也

至於負尾索隱負音陪○字書負從力從貝與陪同與負別

道嶠冢至于荆山正義沮水即漢水也按縣孫叔敖激沮水為雲夢澤是也○縣字疑衍當因孫字相近而

誤

道河積石索隱其水停冬夏不增減○漢書西域傳作其水停居停下脫居字

北過降水至於大陸集解鄭元曰地理志降水在信都南○漢地理志信都國信都縣下但云絳水入海尚書疏引地理志亦云在信都縣諸本皆作南字誤也過三澁入於大別索隱水經云三澁地名在南郡鄖縣落北○南郡無鄖縣當是卽字禹貢錐指云三澁一

在襄城北一在樊城南一在三洲口東皆襄陽縣地
在古卽縣之北今改卽

二百里任國集解孔安國曰任王事者○今尚書孔傳
作任王者事

以告成功於天下天下於是太平治○一本無下天下

二字臣照按二本皆訛應作以告成功于天天下於

是太平治臣德齡按禹之功具於禹貢故全載禹貢

之文以明禹之功在萬世凡史記引用經傳全文皆

有意義或謂其未及刪裁者非

衆明高翼近可遠在已集解鄭元曰次序九族而親之以衆明作羽翼之臣○今尚書疏引鄭云以衆賢明作羽翼之臣

何畏乎巧言善色佞人集解鄭元曰禹為父隱故言不及鯀○禹為父隱云云今尚書疏以為馬融之言

予辛壬娶塗山癸甲生啓集解孔安國曰辛日娶妻至於甲四日復往治水○今孔傳無四字

天降龍二有雌雄孔甲不能食一段

臣德齡

按載泰龍

事所以明孔甲之荒淫舉其極以概其餘也或謂降龍事無關典要似可不載者非

有男氏○路史國名紀曰世本之有男氏潛夫作南周書之有南也

史記卷二考證

欽定四庫全書

史記卷三

漢

太

史

令司馬遷撰

宋中郎外兵曹參軍裴駰集解

唐國子博士弘文館學士司馬貞索隱

唐諸王侍讀率府長史張守節正義

殷本紀第三

殷契

索隱契始封商其後裔盤庚遷殷殷在鄴南遂為天下號契是殷家始祖故言殷契正義括地志云

相州安陽本盤庚所都即北冢殷墟南去朝歌城百四十
六里竹書紀年云盤庚自奄遷於北冢曰殷墟南去邲四
十里是舊都城西南三十里有洹水南岸三里有安陽
城西有城名殷墟所謂北冢者也今按洹水在相州北
四里安陽城母曰簡狄索隱狄舊本作易音
即相州外城同又作遏吐歷反有城氏之
女集解駟案淮南子曰有娥在不周之北正義為帝嚳
按記云桀敗於有娥之墟有娥當在蒲州也

次妃三人行浴見玄鳥墮其卵簡狄取吞之因孕生契

索隱譙周云契生堯代舜始舉之必非嚳子以其父微
故不著名其母娥氏女與宗婦三人浴于川玄鳥遺卵
簡狄吞之則簡狄契長而佐禹治水有功帝舜乃命契
非帝嚳次妃明也

曰百姓不親五品不訓汝為司徒而敬敷五教五教在

寬封於商

集解鄭玄曰商國在太華之陽皇甫謐曰今上洛商是也索隱堯封契於商即詩商頌云

有城方將帝立子生商是也正義括地志云商州東八十里商洛縣本商邑古之商國帝嚳之子高所封也

賜姓子氏

集解駉衆禮緯曰祖以玄鳥生子也正義括地志云故子城在渭州華城縣東北八十里

蓋子姓之別邑

契興於唐虞大禹之際功業著於百姓百姓以

平契卒子昭明立昭明卒子相土立

集解宋忠曰相土就契封於商春秋

左氏傳曰閼伯居商邱相土因之索隱相土佐夏功著於商詩頌曰相土烈烈海外有截是也左傳曰昔陶唐氏火正閼伯居商邱相土因之是始封商也正義括地志云宋州城古閼伯之墟即商邱也又云羿所封之地

相土卒子昌若立昌若卒子曹圉立

索隱系本作糧圉也

曹圉卒

正義國音

子冥立

集解宋忠曰冥為司空勤其官事死於水中殷人郊之索隱禮曰冥勤其

官而水死殷人

冥卒子振立

索隱本作核

振卒子微立

索隱皇甫

謚云微字上甲其母以甲日生故也商家生子以日為名蓋自微始譙周以為死稱廟主曰甲也

微卒

子報丁立報丁卒子報乙立報乙卒子報丙立報丙卒

子主壬立主壬卒子主癸立主癸卒子天乙立是為成

湯

集解張晏曰禹湯皆字也二王去唐虞之文從高陽之質故夏殷之王皆以名為號謚法曰除虐去殘曰

湯索隱湯名履書曰予小子履是也又稱天乙者譙周云夏殷之禮生稱王死稱廟主皆以帝名配之天亦帝

也殷人尊湯故曰天乙從契至湯凡十四代故國語曰玄王勤商十四代興玄王契也

成湯自契

至湯八遷

集解孔安國曰十世凡八徙國都

湯始居亳

集解皇甫謐曰梁國穀熟為南

亳即湯都也正義括地志云宋州穀熟縣西南三十五里南亳故城即南亳湯都也宋州北五十里大蒙城為

景亳湯所盟地因景山為名河南偃師為西亳帝嚳及湯所都盤庚亦從都之從先王居集解孔安

國曰契父帝嚳都亳湯自商邱遷焉故曰從先王居正義按亳偃師城也商邱宋州也湯即位都南亳後徙西

亳也括地志云亳邑故城在洛州偃師縣西十四里本帝嚳之墟商湯之都也作帝誥索隱一作偁上

云從先王居故作帝偁孔安國以為作誥告先王言已來居亳也湯征諸侯集解孔安國曰為夏

方伯得專征伐葛伯不祀湯始伐之集解駢案孟子曰湯居亳與葛伯為鄰地理志曰葛

今梁國寧陵之葛鄉湯曰予有言人視水見形視民知治不伊尹

曰明哉言能聽道乃進君國子民為善者皆在王官勉哉勉哉湯曰汝不能敬命予大罰殛之無有攸赦作湯

征伊尹名阿衡

索隱孫子兵書伊尹名摯孔安國亦曰伊摯然解者以阿衡為官名按阿倚也

衡平也言依倚而取平書曰惟嗣王弗惠于阿衡亦曰保衡皆伊尹之官號非名也皇甫謐云伊尹力牧之後生於空桑又呂氏春秋云有仇氏女採桑得嬰兒于空桑母居伊水命曰伊尹尹正也謂湯使之正天下

衡欲干湯而無由乃為有莘氏媵臣

集解駟案列女傳曰湯妃有莘氏之

女正義括地志云古莘國在汴州陳留縣東五里故莘城是也陳留風俗傳云陳留外黃有莘昌亭本宋地莘氏邑也媵翊剩反爾雅云媵將送也負鼎俎以滋味說湯致于王道或曰

伊尹處士湯使人聘迎之五反然後肯往從湯言素王

及九主之事

集解駢案劉向別錄曰九主者有法君專君授君勞君等君寄君破君國君三歲社

君凡九品圖畫其形索隱按素王者太素上皇其道質素故稱素王九主者三皇五帝及夏禹也或曰九主謂九皇也然按註劉向所稱九主載之七錄名稱甚奇不知所憑據耳法君謂用法嚴急之君若秦孝公及始皇等也勞君謂勤勞天下若禹稷等也等君等者平也謂定等威均祿賞若高祖封功臣侯雍齒也授君謂人君不能自理而政歸其臣若燕王噲授子之禹授益之比也專君謂專已獨斷不任賢臣若漢宣之比也破君謂輕敵致寇國滅君死若楚戊吳淝等是也寄君謂人困於下主驕於上難析可待故孟軻謂之寄君也國君國當為固字之訛耳固謂完城郭利甲兵而不脩德若三苗智伯之類也三歲社君謂在襁褓而主社稷若周成

王漢昭平等是也又註本九主謂法君勞君等君專君授君破君國君以三歲社君為二恐非湯舉任

以國政伊尹去湯適夏既醜有夏復歸于亳入自北門

遇女鳩女房作女鳩女房

集解孔安國曰鳩房二人湯之賢臣也二篇言所以醜夏

而還之意也

湯出見野張網四面祝曰自天下四方皆入吾

網湯曰嘻盡之矣乃去其三面祝曰欲左左欲右右不

用命乃入吾網諸侯聞之曰湯德至矣及禽獸當是時

夏桀為虐政淫荒而諸侯昆吾氏為亂

正義帝嚳時陸終之長於夏臺

子昆吾氏之後也世本云昆吾者衛氏是

湯乃興師率諸侯伊尹從湯湯自

把鉞以伐昆吾遂伐桀湯曰格汝衆庶來女悉聽朕言

匪台小子

集解馬融曰台我也

敢行舉亂有夏多罪予維聞女衆

言夏氏有罪予畏上帝不敢不正

集解孔安國曰不敢不正桀之罪而誅之

今夏多罪天命殛之今女有衆女曰我君不恤我衆舍

我嗇事而割政

集解孔安國曰奪民農功而為割剝之政

女其曰有罪其奈

何夏王率止衆力率奪夏國

集解孔安國曰桀之君臣相率遏止衆力使不得事

農相率割剝夏之邑居

有衆率怠不和

集解馬融曰衆民相率怠惰不和同

曰是日

何時喪予與女皆亡

集解駰案尚書大傳曰桀云天之有日猶吾之有民日有亡哉日亡

吾亦亡矣夏德若茲今朕必往爾尚及予一人致天之罰予

其大理女

集解駢案尚書理字作齊鄭玄云齊賜也

女母不信朕不食言

索隱

左傳云食言多矣能無肥乎是謂妄言為食言

女不從誓言予則帑僇女無有

攸赦以告令師作湯誓於是湯曰吾甚武號曰武王

集解

駢案詩云武王載旆有虔秉鉞毛傳曰武王湯也

桀敗於有娥之虛桀奔於鳴

條

正義括地志云高涯原在蒲州安邑縣北三十里南坡口即古鳴條陌也鳴條戰地在安邑西

夏師

敗績湯遂伐三豎俘厥寶玉

集解孔安國曰三豎國名桀走保之今定陶也俘取

也正義括地志云曹州濟陰縣即古定陶也東有三豎亭是也

義伯仲伯作典寶

集解孔安

國曰二臣作典寶一篇言國之常寶也

湯既勝夏欲遷其社不可

集解孔安國曰

欲變置社稷而後世無及句龍者故不可而止

作夏社

集解孔安國曰言夏社不可遷之義

伊尹

報

集解徐廣曰一云伊尹報政

於是諸侯服湯乃踐天子位平定海

內湯歸至于泰卷陶

集解徐廣曰一無此陶字孔安國曰地名湯自三爰而還索隱鄒誕

生卷作餉又作洞則卷當為垆與尚書同非衍字也其下陶字是衍耳何以知然解尚書者以大垆今定陶是

也舊本或傍記其地名後人轉寫遂衍斯字也正義垆古銘反

中囂作誥

集解孔安國曰仲虺湯左

相奚仲之後索隱仲虺二音囂作壘音如字尚書又作虺也

既紕夏命

集解孔安國曰紕其王命

還亳作湯誥維三月王自至于東郊告諸侯羣后母不

有功于民勤力迺事予乃大罰殛女毋予怨曰古禹臯
陶久勞于外其有功乎民民乃有安東為江北為濟西
為河南為淮四瀆已脩萬民乃有居后稷降播農殖百

穀三公咸有功于民故后有立

集解徐廣曰一作土索
隱謂禹臯陶有功於人

建立其後
故云有立

昔蚩尤與其大夫作亂百姓帝乃弗予

音與有

狀

索隱帝天也謂蚩尤作亂上天乃不佑之是為
弗與有狀言其罪大而有形狀故黃帝滅之

先王

言不可不勉

索隱先王指黃帝帝堯帝舜等言禹咎繇
以久勞于外故後有立及蚩尤作亂天不

佑之乃致黃帝滅之皆是先王賞有功
誅有罪言今汝不可不勉此湯誠其臣

曰不道毋之在

國

集解徐廣曰之一作政索隱不道猶無道也又誠諸侯云汝為不道我則無令汝之在國女毋我

怨以令諸侯伊尹作咸有一德

集解王肅曰言君臣皆有一德索隱按尚書伊

尹作咸有一德在太甲時太史公記之於斯謂成湯之日其言又失次序

咎單作明居

集解馬融

也明居民之法

湯乃改正朔易服色上白朝會以晝湯

崩

集解駰案皇覽曰湯冢在濟陰亳縣北東郭去縣三里冢四方各十步高七尺上平處平地漢哀帝建

平元年大司空御史長卿案行水災因行湯冢劉向曰殷湯無葬處皇甫謐曰即位十七年而踐天子位為天子十三年年百歲而崩索隱長卿諸本皆作劫姓按風俗通有御氏為漢司空御史其名長卿明劫非也亦有劫彌不得為御史正義括地志云薄城北郭東三里平劫彌不得為御史正義括地志云薄城北郭東三里平

史記

史記

七

有湯冢近桐宮蓋此是也

太子太丁未立而卒於是廼立太丁之弟

外丙是為帝外丙帝外丙即位二年崩立外丙之弟中

壬是為帝中壬

正義仲任二音

帝中壬即位四年崩伊尹乃立

太丁之子太甲

正義尚書孔氏序云成湯既沒太甲元年不言有外丙仲壬而太史公採世本

有外丙仲壬二書不同當是信則傳信疑則傳疑

太甲成湯適長孫也是為帝

太甲帝太甲元年伊尹作伊訓作肆命作俎后

集解鄭玄曰肆

命者陳政教所當為也但后者言湯之法度也

帝太甲既立三年不明暴虐不

遵湯法亂德於是伊尹放之於桐宮

集解孔安國曰湯葬地鄭玄曰地名

也有王離宮焉正義晉太康地記云尸鄉南有亳坂東
有城太甲所放處也按尸鄉在洛州偃師縣西南五里

也三年伊尹攝行政當國以朝諸侯帝太甲居桐宮三

年悔過自責反善於是伊尹迺迎帝太甲而授之政帝

太甲脩德諸侯咸歸殷百姓以寧伊尹嘉之迺作太甲

訓三篇褒帝太甲稱太宗太宗崩子沃丁立帝沃丁之

時伊尹卒既葬伊尹於亳

集解駟案皇覽曰伊尹冢在濟陰已氏平利鄉亳近已氏

正義括地志云伊尹墓在洛州偃師縣西北八里又云宋州楚邱縣西北十五里有伊尹墓恐非也帝王世紀

伊尹名摯為湯相號阿衡年百歲卒天霧三日沃丁以天子禮葬之

咎單遂訓伊尹事作

沃丁沃丁崩弟太庚立是為帝太庚帝太庚崩子帝小

甲立

集解徐廣曰世表云帝小甲太庚弟也

帝小甲崩弟雍已立是為帝

雍已殷道衰諸侯或不至帝雍已崩弟太戊立是為帝

太戊帝太戊立伊陟為相

集解孔安國曰伊陟伊尹之子

亳有祥桑穀

共生於朝一暮大拱

集解孔安國曰祥妖怪也二木合生不恭之罰鄭玄曰兩手搯之曰

拱索隱此云一暮大拱尚書大傳作七日大拱與此不同

帝太戊懼問伊陟伊陟曰

臣聞妖不勝德帝之政其有闕與帝其脩德太戊從之

而祥桑枯死而去

索隱劉伯莊言枯死而消去不見伊今以為由帝脩德而妖祥遂去

陟贊言于巫咸

集解孔安國曰贊告也巫咸臣名也正義按巫咸及子賢冢皆在蕪州常熟縣

西海虞山上蓋二子本吳人也

巫咸治王家有成作咸父

集解馬融曰父治也

作

太戊帝太戊贊伊陟于廟言弗臣伊陟讓作原命

集解馬融

曰原臣名也命原以禹湯之道我所修也

殷復興諸侯歸之故稱中宗中宗

崩子帝仲丁立帝仲丁遷于隰

集解孔安國曰地名皇甫謐曰或云河南教倉

是索隱隰亦作囂並音教正義括地志云滎陽故城在鄭州滎澤縣西南十七里殷時教地也

河亶甲

居相

集解孔安國曰地名在河北正義括地志云故殷城在相州內黃縣東南十三里即河亶甲所築都

之故名也

祖乙遷于邢

索隱邢音耿近代本亦作耿今河東皮氏縣有耿鄉正義括地志云

絳州龍門縣東南十里耿城故耿國也
帝仲丁崩弟外壬立是為帝外壬

仲丁書闕不具

索隱蓋太史公知舊有仲丁書今已遺闕不具也

帝外壬崩弟

河亶甲立是為帝河亶甲時殷復興衰河亶甲崩

子帝祖乙立帝祖乙立殷復興巫賢任職祖乙崩子帝

祖辛立帝祖辛崩弟沃甲立是為帝沃甲

索隱系本作開甲也

帝

沃甲崩立沃甲兄祖辛之子祖丁是為帝祖丁帝祖丁

崩立弟沃甲之子南庚是為帝南庚帝南庚崩立帝祖

丁之子陽甲是為帝陽甲帝陽甲之時殷衰自中丁以

來廢適而更立諸弟子弟子或爭相代立比九世亂於

是諸侯莫朝帝陽甲崩弟盤庚立是為帝盤庚帝盤庚

之時殷已都河北盤庚渡河南復居成湯之故居廼五

遷無定處

集解孔安國曰自湯至盤庚凡五遷都正義湯自南亳遷西亳仲丁遷敖河亶甲居相祖

乙居耿盤庚渡河南居西亳是五遷也

殷民咨胥皆怨不欲徙

集解孔安國曰胥相

也民不欲徙皆咨嗟憂愁相與怨其上也

盤庚乃告諭諸侯大臣曰昔高后

成湯與爾之先祖俱定天下法則可修舍而弗勉何以

成德乃遂涉河南治亳

集解鄭玄曰治於亳之殷地商家自此徙而改號曰殷亳皇甫

謚曰今僊師是也

行湯之政然後百姓由寧殷道復興諸侯來

朝以其遵成湯之德也帝盤庚崩弟小辛立是為帝小

辛帝小辛立殷復衰百姓思盤庚廼作盤庚三篇

索隱尚書

盤庚將治亳殷民咨胥怨作盤庚此以盤庚崩弟小辛立百姓思之乃作盤庚由不見古文也

帝小辛

崩弟小乙立是為帝小乙帝小乙崩子帝武丁立帝武

丁即位思復興殷而未得其佐三年不言政事決定於

冢宰

集解鄭玄曰冢宰天官卿貳王事者

以觀國風武丁夜夢得聖人名

曰說以夢所見視羣臣百吏皆非也於是廼使百工營

求之野得說於傳險中

集解徐廣曰尸子云傳巖在北海之洲索隱舊本作險亦作巖

也正義地理志云傳險即傳說版築之處所隱之處窟名聖人窟在今陝州河北縣北七里即虞國號國之界

又有傳說祠注水經云沙澗水北虞山南經傳巖傳說隱室前俗名聖人窟是時說為胥靡

築於傳險

集解孔安國曰傳氏之巖在虞號之界通道所經有澗水壞道常使胥靡刑人築護此道

說賢而隱代胥靡築之以供食也

見於武丁武丁曰是也得而與之語

果聖人舉以為相殷國大治故遂以傳險姓之號曰傳

說帝武丁祭成湯明日有飛雉登鼎耳而鳴

正義音構鳴雉鳴也

詩云雉之朝鳴

武丁懼祖已曰

集解孔安國曰賢臣名

王勿憂先修政事

祖已乃訓王曰唯天監下典厥義

集解孔安國曰言天視下民以義為常也

降年有永有不永非天天民中絕其命民有不若德不

聽罪天既附命正厥德

集解孔安國曰不順德言無義也不服罪不改修也天以信命

正其德謂其有永有不永索隱附依尚書音字

乃曰其奈何嗚呼王嗣敬民罔

非天繼常祀毋豐于棄道

集解孔安國曰王者主民當敬民事無非天時天時所常

祀也祭祀有常不當特豐于近也索隱祭祀有常無為豐殺之禮於是棄常道

武丁修政行

德天下咸驩殷道復興帝武丁崩子帝祖庚立祖己嘉

武丁之以祥雉為德立其廟為高宗遂作高宗彤日及

訓集解孔安國曰祭之明
日又祭殷曰彤周曰繹

帝祖庚崩弟祖甲立是為帝

甲帝甲淫亂殷復衰

索隱國語曰帝甲亂
之七代而隕是也

帝甲崩子帝

廩辛立

索隱漢書古今人表及
帝王世紀皆作憑辛

帝廩辛崩弟庚丁立是

為帝庚丁帝庚丁崩子帝武乙立殷復去亳徙河北帝

武乙無道為偶人

索隱偶音寓亦如字正義偶五苟反
偶對也以土木為人對象於人形也

謂之天神與之博令人為行

正義為于偽
反行胡孟反

天神不勝乃

僂辱之為革囊盛血仰而射之命曰射天武乙獵於河

渭之間暴雷武乙震死子帝太丁立帝太丁崩子帝乙

立帝乙立殷益衰帝乙長子曰微子啓

索隱微國號爵為子啓名也孔

子家語云微或作魏讀從微音鄒本亦然也

啓母賤不得嗣

索隱此以啓與紂異母而鄭玄

稱為同母依呂氏春秋言母當生啓時猶未正立及生紂時始正為妃故啓大而庶紂小而嫡

少子辛

辛母正后辛為嗣帝乙崩子辛立是為帝辛天下謂之

紂

集解駟案諡法曰殘義損善曰紂

帝紂資辨捷疾聞見甚敏材力過

人手格猛獸

正義帝王世紀云紂倒曳九牛撫梁易柱也

知足以距諫言足

以飾非矜人臣以能高天下以聲以為皆出已之下好

酒淫樂嬖於婦人愛妲己

集解皇甫謐曰有蘇氏美女索隱國語有蘇氏女妲字已

姓也
姐已之言是從於是使師涓作新淫聲北里之舞靡

靡之樂厚賦稅以實廉臺之錢

集解如淳曰新序曰廉臺其大三里萬千尺攢

曰廉臺臺名今在朝歌城中正義括地志云廉臺在衛縣西南二十二里

而盈鉅橋之粟

集解

服虔曰鉅橋倉名許慎曰鉅廉水之大橋有漕粟也索隱郭誕生云鉅大橋器名也紂厚賦稅故因器而大其

名
盆收狗馬奇物充仞宮室益廣沙丘苑臺

集解駢案爾雅曰池

遷沙丘也地理志曰在鉅廉東北七十里正義括地志云沙丘臺在邢州平鄉東北二十里竹書紀年云自盤

庚徙殷至紂之滅七百七十三年更不徙都紂時稍多

大其邑南距朝歌北據邯鄲及沙丘皆為離宮別館
取野獸蜚鳥置其中慢於鬼神大最樂戲於沙丘

集解徐廣

曰最一以酒為池正義括地志云酒池在衛州衛縣西

作聚船糟丘而牛飲者縣肉為林正義縣使男女保正義胡

相逐其間為長夜之飲百姓怨望而諸侯有畔者於是

紂乃重辟刑有炮烙之法集解駢案列女傳曰膏銅柱

墮炭中旦已笑名曰炮烙之刑索隱鄒誕生烙一音閣

又云見蟻布銅斗足廢而死於是為銅烙炊炭其下使

罪人步其上與以西伯昌九侯集解徐廣曰一作鬼侯

列女傳少異亦依字讀鄒誕生音仇也正義括地志云相州滏陽縣

西南五十里有九侯城亦名鬼侯城蓋殷時九侯城也

鄂侯集解徐廣曰一作為三公九侯有好女入之紂

音于野王縣有

邶城

九侯女不熹淫

集解徐廣曰一云無不熹淫

紂怒殺之而醢九侯鄂

侯爭之彊辨之疾并脯鄂侯西伯昌聞之竊歎崇侯虎

知之以告紂紂囚西伯羗里

集解駰案地理志曰河內湯陰有羗里城西伯所拘

處韋昭曰音酉正義牖一作羗音酉羗城在相州湯陰縣北九里紂囚西伯城也帝王世紀云囚文王文王之長子曰伯邑考質於殷為紂御紂烹為羹賜文王曰聖人當不食其子羹文王食之紂曰誰謂西伯聖者食其子羹尚不知也

西伯之臣閼夭之徒求美女奇物善馬以獻紂

紂乃赦西伯西伯出而獻洛西之地以請除炮烙之刑

正義洛水一名漆沮水在同州洛西之地謂洛西及丹坊等州也

紂乃許之賜弓矢斧

鉞使得征伐為西伯而用費中為政

正義費音扶味反中音仲費姓仲名

費中善諛好利殷人弗親紂又用惡來

索隱秦之祖蜚廉子

惡來

善毀讒諸侯以此益疏西伯歸乃陰脩德行善諸侯多

叛紂而往歸西伯西伯滋大紂由是稍失權重王子比

干諫弗聽商容賢者百姓愛之紂廢之及西伯伐飢國

滅之

集解徐廣曰飢一作汎又作者

紂之臣祖伊

集解孔安國曰祖已後賢臣也

聞之

而咎周

集解孔安國曰咎惡也

恐奔告紂曰天既訖我殷命假人

元龜

集解徐廣曰一作卜

無敢知吉

集解馬融曰元龜大龜也長尺二寸孔安國曰至人

以人事觀殷大龜以神靈考之皆無知吉者

非先王不相我後人

集解孔安國曰相助

也維王淫虐用自絕故天棄我不有安食不虞知天性

不迪率典

集解鄭玄曰王暴虐於民使不得安食逆天陰陽不度天性傲狠明德不修教法者今

我民罔不欲喪曰天曷不降威大命胡不至今王其奈

何紂曰我生不有命在天乎祖伊反曰紂不可諫矣西

伯既卒周武王之東伐至盟津諸侯叛殷會周者八百

諸侯皆曰紂可伐矣武王曰爾未知天命乃復歸紂愈

淫亂不止微子數諫不聽乃與太師少師謀遂去比干

曰為人臣者不得不以死爭迺強諫紂紂怒曰吾聞聖

人心有七竅剖比干觀其心

正義括地志云比干見微子去箕子狂乃歎曰主過

不諫非忠也畏死不言非勇也過則諫不用則死忠之至也進諫不去者三日紂問何以自持比干曰脩善行

仁以義自持紂怒曰吾聞聖人心有七竅信諸遂殺比干剖視其心也

箕子懼乃詳狂為

奴紂又囚之殷之太師少師乃持其祭樂器奔周周武

王於是遂率諸侯伐紂紂亦發兵距之牧野

集解鄭玄曰牧野紂

南郊地名也正義括地志云今衛州城即殷牧野之地周武王伐紂築也

甲子日紂兵敗紂

走入登鹿臺

集解徐廣曰鹿一作廩

衣其寶玉衣赴火而死

正義周書

云紂取天智玉琰五環身以自焚

周武王遂斬紂頭縣之白旗殺妲己

釋箕子之囚封比干之墓表商容之間

索隱皇甫謐云商容與殷人觀

周軍之入則以為人名鄭玄云商家樂官知禮容所以禮署稱容臺

封紂子武庚祿父以

續殷祀

集解譙周曰殷凡三十一世六百餘年汲冢紀年曰湯滅夏以至于受二十九王用歲四百九

十六年也令修行盤庚之政殷民大說於是周武王為天子

其後世貶帝號號為王

索隱按夏殷天子亦皆稱帝代以德薄不及五帝始貶帝號號

之為王故本紀皆帝而後總曰三王也

而封殷後為諸侯屬周

正義即武庚祿父也

周武王崩武庚與管叔蔡叔作亂成王命周公誅之而

立微子於宋以續殷後焉

太史公曰余以頌次契之事自成湯以來采於書詩契

為子姓其後分封以國為姓有殷氏宋氏空桐氏

稚氏

索隱按系本
子姓無稚氏

北殷氏

索隱系本作髦氏又有時氏
蕭氏黎氏然北殷氏蓋秦寧

公所伐亳主
湯之後也

目夷氏孔子曰殷路車為善而色尚白

索隱


論語孔子曰乘殷之路禮記曰殷人尚白
太史公為贊不取成文遂作此語疎也

索隱述贊曰簡狄吞乙是為殷祖玄王啟商伊尹負

俎上開三面下獻九主旋師泰卷繼相臣扈遷囂圮

耿不常厥土武乙無道禍因射天帝辛淫亂拒諫賊
賢九侯見醢炮烙興焉黃鉞斯仗白旗是懸哀哉瓊

室殷祀
用遷



史記卷三

史記卷三考證

殷本紀湯曰汝不能敬命○監本脫湯字今添

而諸侯昆吾氏為亂正義帝嚳時陸終之長於夏臺子
昆吾氏之後也世本云昆吾者衛氏是○推尋文義
宜云陸終之長子封於昆吾夏之昆吾其後也又楚
世家集解引世本云昆吾者衛是也蓋言衛地本昆
吾國此氏字衍

湯遂伐三矇○尚書序作三朥

伊尹報於是諸侯服湯○一本作畢服湯一本作心服
湯

作湯誥○王若虛辨惑曰維三月王自至於東郊云云
今湯誥之書具在曷嘗有此遷何所據而載之也

伊尹作咸有一德咎單作明居○王若虛辨惑曰尚書
湯誥篇末曰咎單作明居而咸有一德乃伊摯復政
將歸時所陳在太甲三篇之下次第明甚不可亂也
史記乃謂咸有一德作於湯時而列之湯誥之後明

居之前豈非誤歟

湯崩集解皇覽曰湯冢在濟陰亳縣北東郭○前漢志
濟陰郡無亳縣後漢志無濟陰郡梁國穀熟為南亳
蒙為北亳河南偃師為西亳亳本非縣名皇覽是魏
時人作其所用必後漢地名此云在濟陰亳縣必有
誤

伊尹乃立太丁之子太甲○尚書疏曰據經序及太甲
之篇太甲必繼湯後而殷本紀云湯崩太子太丁未

立而卒於是乃立太丁之弟外丙三年崩別立外丙
之弟仲壬四年崩伊尹乃立太丁之子太甲與經不
同彼必妄也劉歆班固不見古文謬從史記皇甫謐
既得此經作帝王世紀乃述馬遷之語是其疎也臣
照按外丙仲壬見於孟子不始於馬遷也古今諸儒
斷斷如者祇以桐宮居憂遂謂太甲必繼成湯但安
知其非為帝仲壬服乎

迺作太甲訓三篇褒帝太甲○王若虛辨惑曰三篇之

書雖曰伊尹作然自始至終皆史氏所錄豈獨伊尹褒嘉而作乎

既葬伊尹於亳集解帝王世紀伊尹名摯為湯相號阿衡年百歲卒天霧三日○尚書疏引帝王世紀水經注引皇覽皆作大霧三日

弟太戊立○困學紀聞曰太戊為太甲之孫三代表云太戊小甲弟則亦是沃丁弟太甲子書正義謂本紀世表必有一誤

帝陽甲之時殷衰自中丁以來廢適而更立諸弟子弟子或爭相代立比九世亂○皇王大紀曰以其世考之自沃丁至陽甲立弟者九世中丁之名誤也

得說於傳險中正義注水經云沙澗水北虞山南經傳巖○水經注本文作沙澗水北出虞山東南經傳巖王嗣敬民罔非天繼常祀毋豐於棄道集解孔安國曰王者主民當敬民事無非天時天時所常祀也○以孔傳考之天時二字不復出

祖已嘉武丁之以祥雉為德立其廟為高宗遂作高宗
彤日及訓○因學紀聞曰與書序相違王若虛辨惑
曰考之於書此篇即祖已訓王之辭其曰高宗者史
氏追稱耳諸篇之體皆然而云武丁既沒祖已嘉之
而作謬矣且立廟稱宗自國家之事豈獨出祖已之
意哉高宗之訓乃書篇名自當全著而但云及訓此
復失之太簡矣

子帝太丁立○徐孚遠曰太丁重見疑誤

殷之太師少師乃持其祭樂器奔周○王若虛辨惑曰
尚書微子篇所謂太師少師即箕子比干也今乃言
奔周與書所載異矣而周紀又云紂殺王子比干因
箕子太師疵少師强抱其樂器而奔周則遷所謂太
師少師者其樂工邪若殷紀所稱亦止於樂工則微
子何至與此輩謀決去就而此輩之奔亦為何併持
祭器乎至宋世家則曰武王克殷微子持其祭器造
於軍門前後參差殆不可曉

封紂子武庚祿父以續殷祀集解汲冢紀年曰湯滅夏
以至於受二十九王用歲四百九十六年○前正義
引竹書紀年云自盤庚徙殷至紂之滅七百七十三
年更不徙都其相繆戾如此

史記卷三考證